

“Tšelisa Sechaba sa ka”



SABATHA THAPAMA

Bakeng sa Thuto ea Beke ena Bala:

Esa. 40:1, 2; Esa.40:3–8; Esa. 40:9–11; Esa. 40:12–31.

Temana ea Khopolo:

“Nyolohela thabeng e phahamileng, uena ea bolellang Sione taba tse molemo; u phahamise lentsoe la hao ka matla, uena ea bolellang Jerusalema taba tse molemo; u le phahamise, u se ke ua tšaba, u bolelle metse ea Juda, u re: Molimo oa lōna ke ona!” (*Esaia 40:9*).

Ntoa ea bobeli ea lefatše ka 1945 lesole la Japane le bitsoang Shoichi Yokoi I ne a ipatile hlatheng sehleke-hlekeng sa Guama. Lipampitšana tsa oela sefofaneng sa U.S. tse phatlalatsang khotso, empa Yokoi a nahana hore empa e le leraba. Joalo ka lesole le nkileng kano la ’muso, o ne a nkile kano ea hore a ke ke a inehela. Ka hoba o ne a sa tsebe ka tsoelo pele, o ne a phela ka seo a ka se fumanang hlatheng mo, bophelo bo thata ruri. Ka 1972, lilemo tse 27 ka morao ho ntoea ea bobeli ea lefaatše, litsomi li ile tsa kopana le Yokoi a chehile litlhapi, ’me ka nako eo a ileng a ithuta hore molaetsa oa khotso e ne e le ’nete. Ha boholo ba batho bo ne bo natefetsoe ke khotso ka lilemo-lemo, Yokoi o ne a lutse khatellong le bohlokong.— Roy Gane, *Altar Call* (Berrien Springs, Mich.: Diadem, 1999), p. 304, adapted.

Makholo a lilemo ha morao, ka moporofeta Esaia, Molimo o ile a phatlalatsa hore nako ea khatello le bohloko ba sechaba sa hae e felile: “Tšelisang, O Tšelisa Sechaba sa ka, ho bolela Molimo oa lōna. Bolellang Jerusalema tse kholisang pelo ea hae, le mo hooetse hore kholeho ea hae e felile, molato oa hae o lefiloe, le hoba o amohetse letsohong la Jehova habeli ho lekanang le libe tsa hae kaofela” (Esa. 40:1, 2). Ha re ke re shebe hore na sena se bolel’ang.

**Ihute Thuto ea Beke ena ho lokisetsa Sabatha sa la 20, Thakola.*

Tšelisetsang Bokamoso (Esa. 40:1, 2)

Ho Esaia 40:1, 2, Molimo o tšelisa sechaba sa hae. Nako ea bona ea kotlo e fihlile pheletsong. Ke kotlo efe eo?

Hona le likarabo tse ngata potsong ena. Ho bile le kopo e ileng ea tla ka Assiria, lere la khalefo la Molimo (Esaia 10), moo Molimo a ileng a pholosa Juda ka ho timetsa mabotho a Sankeribe ka 701 B.C. (Esaia 37). Ho bile le kotlo e ileng ea tla ka Babylona, e neng e tla hapa thepa le batho hobane Esekiase a ile a pepesa maruo a hae ho baromuoa ba tsoang ho Merodake-baladane (Esaia 39). 'Me ha ba le kotlo e ileng ea tlišoa ke se seng sa lichaba tseo Esaia a ngotseng melaetsa khahlanong le tsona (Esaia 14–23). Leha, “Assiria” le “ba-Assiria” ho buuo ka bona makheto a 43 ho tloha ho Esaia 7:17 ho isa 38:6, lichaba tsena li hlaha ha 'ngoe fela hohle bukeng ea Esaia, mo Esaia 52:4 a supang khatello e fetileng ea Egepeta le “ba-Assiria.” Karolong ea ho qetela ea Esaia, topollo ho tsoa khoholehong Babylona ea boleloa (Esa. 43:14; Esa. 47:1; Esa. 48:14, 20), 'me ke Cyruse, oa Persia ea ileng a hlola Babylona ka 539 B.C., ea neng a tla lokolla bakhohlehang ba Juda (Esa. 44:28, Esa. 45:1, Esa. 45:13). Esaia 1–39 e tiisa liketsahalo tse tla etella pele topollo ea Assiria ka 701 B.C., empa qalong ea khaolo ea 40, buka e qhomela pele qetellong ea Babylona, ka 539 B.C., le ho khutla ha ba-Juda ka morao ka mora moo.

Na ho khutla khoholehong Babylona ho ka amahanngoa le se seng pejana ho Esaia? Ha e ba ho joalo, ke eng?

Esaia 39 e sebetsa e le mohokahanyi oa likhaolo tse latelang ka ho porofeta khoholeho ea Babylona, bonyane bakeng sa litlohoho tsa Esekiase (Esa. 39:6, 7). Ho feta moo, borofeta ba likotlo tse ho Esaia 13, 14, le 21 li bolela ho oela ha Babylona le tokoloho eo e tla e tlišetsa sechaba sa Molimo: “Hobane Jehova o tla hauhela Jakobo, o sa tla be a ikhethele Iseraele, a ba ahise lefatšeng la bona; . . . etlare hoba Jehova a le khatholle mokhathaleng oa lōna, le litsietsing tsa lōna, le khohlehang e thata eo le hlorisitsoeng ka eona, le tla ithorisa holima morena oa Babylona” (Esa. 14:1-4). Ela hloko khokahano e haufi le Esaia 40:1, 2, moo Molimo a tšepisang sechaba sa hae pheletso ea mahlomola a bona.

Seo Bibe le se tšepisang ka qetello ea bohloko se bolela'ng ho uena ha joale, le hara mahlomola a joale? Ke molemo ofe oo tumelo ea rōna e ka bang le oona ntle le litšepiso tsee? Hobaneng, ho le bohlokoa ho itšoareletsa ho tsona ho sa tsotellehe hore na ho etsahala'ng?

Boteng, Lentsoe, le Tokiso ea Tsela (Esa. 40:3–8)

Ke joang batho ba Molimo ba amohetseng matšelisio? Esa. 40:1–8.

Mophatlalatsi ea sa boleloang o phatlalatsa hore Molimo oa tla ho senola khanya ea hae (Esa. 40:3–5). Lentsoe le leng le phatlalatsa hore leha batho ba feta joalo ka palesa, “empa lentsoe la Molimo oa rōna le tiile ka ho sa feleng” (Esa. 40:8). Ka mora khoholeho, sechaba sa Molimo se ile sa khutlisetsoa seo ba ileng ba se fumana thabeng ea Sinai le ho latola sohle ka bokoenihi ba bona, e leng seo ba ileng ba se otleloa: Boteng ba Molimo le lentsoe la hae. Tsena ke likarolo tsa mantlha tsa selekane sa Molimo le Iseraele, tse neng li hlomamisitsoe tabernakeleng ea hae e neng e le mahareng bona (Exod. 25:8, 16). Ka ha ba ne ba tlotse lentsoe la hae, Molimo o ne a lahlile tempele ea hae (Ezekiele 9–11), empa oa khutla. Boteng ba hae le lentsoe la hae tšepahalang li tlisa matšelisio, topollo, le tšepo.

Ke boithopho bofe bo loketseng bakeng sa khutla ha Morena? Esa. 40:3–5.

Ha se ntho e ntle hore morena a tsamaee tseleng e likoti. Ka hona ho tla ha hae ho etelloa pele ke tokiso ea tsela. Haholo joang ka Morena oa Marena! Ho tla ha hae, mohlomong ho hlaha bochabela, moo a bileng khoholehong le sechaba sa hae e le tabernakele ho bona (Ezek. 11:16), o tla hloka tokiso bocha e matla ea tsela. Ho lokisoa ha tsela, e ntle e bataletseng hara lithajana ka bochabela ho Jerusalema ho ne ho tla ba thata, le ka tšebeliso ea liqhomane le likhofu. Molimo ke eena fela ea ka etsang mosebetsi; ke eena fela ea ka fetolang “‘ona makukuno ... lehoatata” (Esa. 42:16). Empa ha a hloke tsela-tsela ea ho tsamauoa hobane o na le kariki ea moea ea likerubime (Ezekiele 1, 9–11). Testamenta e Ncha e kenya boporofeta ba Esaia tšebetsong ka ho bua ka tokiso ea tsela ea semoea e lokelang ho phethoa ka thuto ea Johanne mokolobetsi (Matt. 3:3). Molaetsa oa hae: “‘Bakang, hobane ’muso oa maholimo o atametse’” (Matt. 3:2) ’me kolobetso eo a neng a etsa e ne e le ea “ho tšoareloa libe” (Mark 1:4). Ka hona, tokiso ea tsela ke pako, takatso ea ho furalla sebe, e le amohela matšelisio a tšoarelo le boteng ba Molimo.

Jeremia 31:31–34 e ile phatlalatsa molaetsa o tšoanang oa semoea ka nako e ngata bakeng ba khohlehang ba Juda ho utloisisa taba ea semoea ea tokiso ea tsela bakeng sa Molimo. sekheng sena, Morena o tšepisa ba lakatsang qalo e ncha: “selekane se secha” seo ho sona a tla kenya molao oa hae lipelong tsa bona le ho itlama hore ke Molimo oa bona. Ba ea mo tseba le semelo sa hae, hobane o ba tšoaretse.

Tlhaho ea Evangelii (Esa. 40:9–11)

Ke mofuta ofe oa ketsahalo o hlalosoang ho Esaia 40:9–11?

Ha morao ho Esaia ho hlaha mophatlalatsi oa monna oa litaba tse molemo bakeng sa Jerusalema (Esa. 41:27, Esa. 52:7). Empa ho Esaia 40:9 o phatlalatsa hore “‘Molimo oa lōna ke ona!’” ho tsoa thabeng ke botšehali, e leng taba e tlišoang ke puo ea se-Heberu.

Ho Psalm 68, Davida o rorisa Molimo hobane o “‘lokisetsa ba qhalaneng bolulo; o lokolla ba tšoeroeng ho ba kenya naleng’” (Ps. 68:6). Leha mona mantsoe ana e le phallo ho tloha bokhobeng ba Egepeta, Esaia o sebelisa khopolo e tšoanang malebana le phatlatso ea “Phallo” ea bobeli: ho khutla khoholehong ea Babylona. Ho sa le joalo, Testamente e Ncha e bua ka Esaia 40:3–5 ho Johanne mokolobetsi, ea neng a lokisetsa Krete tsela, lentsoe la ka ho-sa-feleng le fetohileng boteng ba Morena ka nama mahareng a sechaba sa hae (Johanne 1:14).

Le pejana ho Johanne, ba bang ba buile ka litaba tse molemo tsa ho tla ha hae. Hara ba pele ba bana e ne e le maqheku bo Simeone le Anna, ba ileng ba kopana le ngoana Jesu ha a ne a hlalisoa tempeleng (Luka 2:25–38). Joalo ka baphatlalatsi ba Esaia, e ne e le e motona le e motšehali. Simeone o ne a lebelletse tšeliselo ea Israele ka mokhoa oa Messia (Luka 2:25, 26).

Ka leseli la boporofeta ba Esaia, ha ho hlahe ele tšohanyetso hore Anna, moporofeta oa mosali, e bile eena oa pele ho phatlalatsa thabeng ea tempeleng ho batho ba Jerusalema hore Morena o se a tlile: “Le eena a hlaha nakong eo, a boka Morena, ’me a bolela tsa Jesu ho bohle ba lebeleletseng topollo Jerusalema” (Luka 2:38). Sena e bile tsoalo ea boevangeli ba Bokreste joalo ka ha re bo tseba: ho phatlatsoa ha Evangelii, litaba tse molemo, hore Jesu Krete o tlile ho tlisa pholoho. Ha morao, Krete o ile a tšepela ho mosali e mong, Mary Magdalena, litaba tsa pele tsa tsoho ea tlhoho ea hae (Johanne 20:17, 18), e neng e netefatsa hore thomo ea hae ea Evangelii ho lefatše lohle e phethiloe. Leha nama e kaba joang, empa lentsoe la Molimo ke la ka ho-sa-feleng (sheba Esa. 40:6–8)!

**Sheba Esaia 40:11. Ke mofuta ofe oa papiso o hlalisoang moo? Ingolle ka bo-
uena sekha ka moo uena ka botho, o bileng le maiphihlelo a ho lisoa ke Morena.
Hobaneng ho le molemo ho pheta ka kelellong ea hao tsela eo Morena a eteleletseng
pele ka teng?**

Molimo o Mohau (Esa. 40:12–31)

Ke joang Esaia 40 e hahang lihloho tsa mohau le matla a Molimo?

Khaolong ena eohle, mohau le matla a Molimo li ea kenellana (sheba ka tlase mona) le ho kopana hammoho, hobane bobeli li ea hlokeha hore Molimo a pholose batho ba hae. O batla ho ba pholosa, hobane o mohau; o khona ho ba pholosa, hobane o matla.

Mohau (Esa. 40:1–5): matšelisō, ho tla ha Jehova ho tla pholosa.

Matla (Esa. 40:3–8): khanya, ea ka ho-sa-feleng khahlanong ea bofokoli ba botho.

Mohau (Esa. 40:9–11): litaba tse molemo tsa topollo, molisa oa sechaba sa hae.

Matla (Esa. 40:12–26): 'mopi ea sa se nang thaka.

Mohau (Esa. 40:27–31): joalo ka 'mopi, o fana ka matla ho ba fokolang.

Ha a sa bontšitse matla a Molimo malebana la khanya ea hae le boteng ba hae (Esa. 40:3–8), Esaia o nama haholo ka matla a hae le bohlae ba hae bo fetisang, tse etsang hore lefatše le baahileng teng ba hlahe ba fokola (Esa. 40:12–17). Mona mokhoa oa Esaia, ka lipotso tse ikarabileng le papiso tse hlakileng ho supa lefatše le likarolo tsa lona, e utloahala joalo ka karabo ea Molimo ho Jobo (Job 38–41).

Karabo ke efe lipotsong tsa Esaia tse ikarabileng: “Molimo le tla o tšoantša ka mang” (Esa. 40:18)?

Ho Esaia, joalo ka Jobo, karabo e tla ntle le ho boleloa: ha ho e mong. Molimo ha a na thaka. Empa Esaia o nka ho tloha lipotsong tsa hae 'me o supa karabo eo boholo ba batho ba khale ba neng ba e bolela ka liketso tsa bona, e leng hore Molimo o ka setšoantšo (Esa. 40:19, 20). Khopolong ena Esaia oa abela. Ho shebahala e le boeatla ho sebelisa setšoantšo e ho tšoantša Molimo, empa e le ho netefatsa hore batho ba utloisisa hantle, o pharalla ka ho ikhetholla ha Molimo le ho tlisa khang e sa arabeheng hore ke eena fela 'mopi ea halalelang (Esa. 40:21–26).

Ke joang temana ea 27 e senolang boitšoaro ba batho bao ho buuoang le bona ka molaetsa oa Esaia? Ke ka litsela life re leng molato oa boitšoaro bo tšoanang?

Sepheo sa molaetsa oa Molimo ke ho tšelisa batho ba hloakang matšelisō! Joalo ka Jobo, mahlomola a bona a entse hore ba ferekane le ho nyahama malebana le semelo sa hae.

Bothata ba Khumamelo ea Litšoantšo (Esa. 40:19, 20)

Khumamelo ea litšoantšo e senya likamano tse ikhethang le Molimo ka ho beha hohong bakeng sa tsona (Exod. 20:4, 5; Esa. 42:8). Ka hona, baporofeta ba bua ka khumamelo ea litšoantšo e bootsoa ba “semoea” (Jer. 3:6–9, Ezek. 16:15–19).

Bala Esaia 41:29. Ke joang Esaia e hlalisa khumamelo ea litšoantšo? Ke joang u utloisisang seo a se bolelang moo ka eona? Hobaneng seo hantle e le bolelang mofuta ofe kapa ofe setšoantšo ho sa tsotellehe hore na ke ofe?

Bakhumameli ba khale ba litšoantšo ba ne ba lumela hore ba ne ba khumamela melimo e matla ka litšoantšo kapa ka tse bapisang eona. Khumamelo ea litšoantšo e ne e emela molimo e mong 'me e roba molao oa pele: “U se ke oa ba le melimo e memg pel'a sefahleho sa ka” (Exod. 20:3). Empa ha e ba setšoantšo se reretsoe ho emela Molimo oa 'nete, joalo ka namane ea khauta (Exod. 32:4, 5), Morena o e latola e le se ka tšoantšoang ka eena, hobane ha ho ea tsebang ho mo tšoantša (Deut. 4:15–19), 'me ha ho letho le ka lekangoang le khanya le boholo ba hae. Ke hona, setšoantšo ka bo sona se sebetsa joalo ka molimo o mong, 'me khumamelo eo e roba molao oa pele le bobeli. Batho ba Molimo ha ba hloke litšoantšo, hobane ba ne le khanya ea hae ea sebele ea boteng ba hae tabernakeleng ea hae. Ho khumamela setšoantšo ke ho e nkela sebaka, le ho e latola boteng ba hae.

Ke mofuta oa khumamelo ea litšoantšo oo re tobaneng le oona kajeno? Na khumamelo ea litšoantšo e sa hlaha ka tsela e sa bonahaleng hore ke eona ka kerekeng kajeno? Ha ho le joang, ke joang?

“Boholo ba ba ipitsang Bakreste ba sebeletsa melimo e meng ntle le Morena. 'Mopi oa rōna o hloka katamelo e phahamileng, e be eena ea tlang pele. Sohle se bonahalang se fokolisa lerato la rōna ho Molimo, kappa e kena-kenanang le boseletsi bo lokelang ho fuoa eena, e ba setšoantšo.”—Ellen G. White Comments, *The SDA Bible Commentary*, vol. 2, pp. 1011–1012. Re tseba ho tloha lingoloeng tsa khale hore khumamelo ea litšoantšo e ne e khahleha, hobane e ne e khaba ka ho ipokellela matlotlo. Ka ho sebelisa mekhoha ea khumamelo batho ba ne ba hlompha matla ao ba neng ba lumela hore a ka ba fa ho ata le katleho. E ne e le bolumeli ba boithuso-bo-'na. E u hopotsa se seng? Pejana Morena a khutla hape, tsela ea hae e lokisitsoe ke molaetsa oa Elia oa ho qetela oa poelano (Malachi 4), khetho e tla tšoana le ea mehlang ea Esaia: Na u tla u khumamela 'Mopi kapa u tla khumamela ntho e 'ngoe e sele (Tšenolo 13, 14), hoba qetellong teng, re lokela ho khumamela ho hong.

Ho Ithuta Haholoanyane :

Read Ellen G. White, “Behold Your God!” ho *Prophets and Kings*, pp. 311–321. “Mehleng ea Esaia kutloisiso ea semoea ea batho ene fifetse. Ha e sa le Satane a batla ho etsa hore batho ba shebe ’Mopi e le eena moqapi oa sebe, le bohloko, le lefu. Bao a seng a ba thetsitse, ba se ba lekantse Molimo o thata le ho ba mohanyapetsi. Ba mo ikile e le ea emetseng fela ho pitla le ho timetsa, ea sa ikemisetsang ho amohela moetsalibe ha fela ho na le lebaka la molao la ho se thuse. Molao oa lerato oo ka oona leholimo le busoang ka oona, o sentsoe ke mo thetsi e moholo e le se thibelang thabo ea motho, joko e boima eo ba likelang ho thabela ho e baleha. O ile a phatlalatsa melao e ke ke ea bolokoa le hore kotlo ea bokhopo e ne e ea ka leeme.”—Ellen G. White, *Prophets and Marena*, p. 311.

Lipotso tsa Puisano:

1. Akaretsa ka matsoe a hao molaetsa oa Esaia 40:12–31. E ngole u sebelisa litšoantšo tsa ha joale, joalo ka tšibollo tsa joale tsa mahlale tse bontšang litšoantšo tsa matla a hlolang a Molimo. arolelana kakaretso ea hao le sehlopha.
2. Ke joang tlhaloso ea Esaia oa bo-sa-feleng ba lentsoe la Molimo khahlanong le bophelo ba motho bo felang (Esa. 40:6–8) e buang tšabo ea hao ea lefu? E amana joang le tšepo ea hao ea tsoho (Jobo 19:25–27, Dan. 12:2, 1 Ba-Kor. 15:51–57, 1 Thess. 4:13–18)?
3. Ka ho kenya Esaia 40:12–31 paelong, ke joang motho a ka folisona boikhohomosong le boikgantšo?

Kakaretso: Ka Esaia, Molimo o ile a tlisa matšeliso ho bao ba mahlomoleng. Nako ea bona ea matšoenyeho e fihlile pheletsong, ’me Molimo o ne a khutlela ho bona. Ho e-na le ho nyahama le ho ferekana, ba ka tšepa Molimo ka tšebeliso ea matla a hae a tlhlo bakeng sa bona.